

# Eksámen

26.05.2016

SFS 1002

Davvisámegiella vuosttašgiellan, Sámeigiella 1

Fidnofágalaš oahppoprográmma jo2

## Eksámendieđut

<b>Eksámenáigi</b>	Eksámen bistá 4 diimmu.
<b>Veahkkeneavvut</b>	Lea lohpi geavahit buot veahkkeneavvuid, earretgo interneahtha ja eará reaidduid maiguin sáhtát gulahallat earáiguin.  Sámegielas it oáččo geavahit jorgalanprográmmaid.
<b>Gállduid geavaheapmi</b>	Jus geavahat gállduid vástádušas, galggat daid almmuhit dainna lágiin ahte lohkki sáhttá daid gávdnat.  Galggat almmuhit čáli, oahppogirjiid ja eará girjiid namahusaid. Jus don geavahat dieđuid maid leat viežžan interneahthas, de galggat almmuhit aiddolaš neahthačujuhusaide ja dáhtoniidda goas lea vižžojuvvon.
<b>Mielddus</b>	Mielddus: Govva. Mediat ja gulahallan 2015/16
<b>Árvvoštallan</b>	Eksámenbeaivvi galggat čállit iešheanalaš teavstta mii lea áššáigullelaš. Buorre giella, logihkalaš struktuvra ja iešheanalaš gállduid geavaheapmi maddái deattuhuvvo. Bargobihtáid kommentárain maid bohtá ovdan mii árvvoštallamis deattuhuvvo.
<b>Eará dieđut</b>	Eksámenčoakkáldagas lea 1. oassi ja 2. oassi.  1. oasis leat guokte bargobihtá maid galggat vástidit. Vástit sihke a ja á bargobihtá.  2. oasis leat njeallje bargobihtá. Don galggat čállit <b>ovtta</b> dain bargobihtáin. Čále bargobihtá nummira ja bajilčállaga.

# 1. oassi

Don galggat vástidit sihke bargobihtá a ja á.

a) Čilge oanehaččat mo ođđa sánit ráhkaduvvojit.

*Kommentára:*

*Don galggat oanehaččat čilget makkár vugiiguin ođđa sánit ráhkaduvvojit sámegejelas. Čilgedettiin sáhtát maiddá geavahit muhtin ovdamearkkaid. Čále oktilis teavstta.*

á) Suorggidahte dáid sániid:

borrat, bivdit, goarrut, sápmi, buorre

*Kommentára:*

*Don galggat čájehit mo dáin sániin leat suorggidahttima bokte ráhkaduvvon ođđa sánit.*

## 2. oassi

Vállje ovtta dáin bargobihtáin. Čále bargobihtá nummira ja bajilčállaga.

### 1. bargobihtá

Čále hearvasága mas bajilčála lea *Nuoraid giella*.

*Kommentára:*

*Hearvasáhka dahje koseriija galgá guoimmuhit ja hástali lohkki. Buori gelbbolašvuođa čájehat go du teavsttas lea ulbmillaš struktuvra ja buorre giella. Sisdoallu berre bures gokčat bargobihtá ja čájehit ahte hálddašat hearvasága váikkuhangaskaomiid.*

### 2. bargobihtá

Makkár doaibma lei máinnasteamis dološ sámi servodagas ja makkár doaibma lea dálá servodagas? Mo sáhtášii geavahit máidnasiid, mitalusaid, diiddaid ja sátnevádjasiid mánáidbajásgeassimis dán áigge?

Čále essea mas guorahalat máinnasteami ovdal ja dál. Hutkka ieš bajilčállaga.

*Kommentára:*

*Esseas galget du iežat jurdagat áššis boahtit ovdan, muhto galggat atnit fáttá dieđuid vuodđun iežat reflekšuvnnaide. Buori gelbbolašvuođa čájehat go du teavsttas lea ulbmillaš struktuvra ja buorre giella. Sisdoallu berre bures gokčat bargobihtá ja čájehit ahte hálddašat essea váikkuhangaskaomiid.*

### 3. bargobihtá

Medias lea olu sáhka ruvkedoaimmain ja eará sisabáhkemiin sihke Sámis ja eará guovlluin. Čále lohkkidreivve mas fáddán lea sisabáhkemat sámi guovlluide. Hutkka ieš bajilčállaga.

*Kommentára:*

*Lohkkidreivve lea čálus mas ovdanbuvttát iežat oaiviliid ášši birra ja seammás čanat dieđuid mat nannejit du oaiviliid. Buori gelbbolašvuođa čájehat go du teavsttas lea ulbmillaš struktuvra ja buorre giella. Sisdoallu berre bures gokčat bargobihtá ja čájehit ahte hálddašat lohkkidreivve váikkuhangaskaomiid.*

### 4. Bargobihtá

Mielddus: govva

Čále mitalusa gova vuodul. Hutkka ieš bajilčállaga.



*Kommentára:*

*Mitalusat sáhttet leat olbmuid vásáhusat beaivválaš eallimis dahje diktejuvvon dáhpáhusat ja fearánat. Buori gelbbolašvuođa čájehat go du teavsttas lea ulbmillaš struktuvra ja buorre giella. Sisdoallu berre bures gokčat bargobihtá ja čájehit ahte leat kreatiiva ja hálddašat mitalusa váikkuhangaskaomiid.*

## Miiddus



*Govva: Mediat ja gulahallan 2015/16*



[www.vigoiks.no/eksamen](http://www.vigoiks.no/eksamen)